



康對山先生集卷之十七

五言絕句

五首
丁丑歲十月一日得伯循書將以是月見訪得

我卧南牕下黃花遺好音
嫩人幾時到相思勞寸心
菊花方爛熳柳條稍衰歇
坐我白雲軒相將弄明月
抱靜惱客來獨喜仲容至
俱是滄海人安計塵俗事
葡萄釀作酒復置琉璃杯
共君死轉歌一日三萬迴
帶雨入郭門暫宿道傍寺
半夜雨逾急恨不向君醉
答大徵游東之作四首

此水遠而瀟灑此泝晴更嘉請君泝上坐看此水中霞
君家常出江曲佳勝定無比夕陽原上來此泝亦堪喜
泝東多埤物柳枝枝弄新碧不繫郎君車常拂處士席
木末載酒來君與坐相酌聽彼幽鳥鳴君心樂不樂

題畫

長裾澹谷與散步蒼松下若非鹿門人定是棲棲者
普緣道中戲太微三首

瀟灑張夫子風流誰可攀雪晴山更好何事欲空還
雖有故園思其如春水生石門不臨嘯笑殺晉孫卿
籃輿下西坂佳勝益春容泉落蓮花泝雲開玉女峯

與宗文夜坐

芳意老逾篤清談夜不眠與尔若裴迪相遇藍田川

贈湯貢之

湯號
間雲

閒雲既無心安能有拘束愧我山林人何時去塵俗

渡渭南望二首

水際孤雲合船頭細浪生青山飛白鷺綠柳轉黃鶯
客散太微道人歸黑水西臨流麾短賦即景試新題

吳歌

儂如浦中蓮歡如蓮上露不憂朱日晞唯恐狂風妬
古曲二首寄羨陂子

少小織流黃裁為合歡被不得同君着竟如流水逝
人生無百年常思千歲事入門同咲顏出門各分異
北山庭前竹石各賦一首

看君滿堦竹若成千畝陰月來金瑣碎森爽似君心
剗石為巨缸植此一峯秀依依夕陰生彷彿墜懸溜
用昭宅看牡丹二首

此花已盛開我猶醉君酒遙知滸西曲花片大如手
春色年年似衰客日日改寄與園中花那能不相待

山中夜歸二首

日落萬山暝斷崖人不行籃輿下崇坂依約聽更聲

山外嵐雲斷中天河漢一沉月明人影見珠露浥征裘

朝希宋出妓二首

筵開不出妓徘徊據空席盧六本傾心何如李太白
聯輿過別墅接坐散瑤觴不遣清歌出空陳俎豆香

畫二首

三仙煉金丹丹光徹天起那知玄牝門不在爐火裏
歸牧夕陽洲悠悠穩跨牛笑看江海客風浪逐年愁

別公望三首

宵征鷄未鳴遄歸夜將旦感子慇懃來飲餞白雲泚
君抱雲霄姿我為葑菲客相見即相知徘徊意安歇

我向武功去煩子贈微吟知君有幽思
恹予芳草心
雜賦符園景物七首

梨園

破玉迷歸蝶分香藉綠苔
曉來吟望處絕勝碧桃開

杏塢

看君杏花塢疑在鞦韆川
南映日浮丹萼翻風墜綠甍

李谿

不是楚苦里滿谿懸素蕤
森疎明月下遮莫許人窺

桃巷

春川看樹桃綽約開將半
為問看花人可似玄都觀

葡萄架

綠苞雖未折清陰已堪想
徘徊望東山依依明月上

柳浪

匝岸垂金絲翻風漾晴碧
夜來南垞歸相看已盈尺

梅墅

季夏苦炎蒸獨愛玉黃子
稍着冰壺中蕭爽快人齒

驪山次壁間韻留寄於騰遠二首

思君不能見空望水西村
徒載華山酒憂來獨閉門
夜深殘月上寒爐尚餘爍
安得同心人並坐理瑤瑟

少年

白馬出青門香風散原野一笑擲千金枉殺負薪者
送別

相逢復相別歎爾優游子三月過瀘洲扁舟疾於駛
奉迎長洲叔泊諸昆弟賞花值雨不果

已辦花前飲花神豈避人欲將花盡發故著雨留人
杏花亭小坐

我愛千畝杏逶迤園小亭浮雲日夕靜疊入萬峯青
柳下觀棋

柳地坐彈棊注酒莓苔上水際暗香來怕是桃花漲
渡漆

西岸桃花花風吹落坡上蕩漾那能還空使心惆悵
鳳麓宴集二首

三月鳳麓下開花疊如錦復有同懷人云何不歡飲
不憚山村遠探竒石洞深行吟紅日暮却戀晚風侵
聞笛二首

初月照山牕清興那能歇更聞玉笛聲恍如臥雲關
昨日滯上遊今在湯泉伯如何絲竹聲又復在空谷
歸牧

赤丸匿西陸嶺上牛羊歸牧童喜牛飽笑歌來翠微
別兩山

君家報主心期與自弱冠嗟彼丈夫心肯緣世情散
邊計已久廢斯民方困窮倘能畀溫飽急難或可同
虜騎一南下塞垣千計空倘遇趙充國子與折其中
君去孟秋節君來擬春分得時報明主離別如浮雲
病起襟詩十首

往事如電奔來事闇莫曉身遊大夢間百故皆草草
問閭足饘粥官貴厭其旨如何乞丐人粒藿未當齒
田丁無別庖筋力動如駛嗟彼膏粱人少壯先顛趾
深居靜無事朋友過亦踈假寐玩神理豁然遊太虛
平生持素心欲以報明主今日忽若茲方來難逆觀

日月如逝波悲思浩無極黽勉從初心天意苟不蝕
蝸牛恃微涎迤邐升崇壁笑我山林姿富貴豈其適
達人重修身志士苦無聞身立聞更長即死亦何恨
六齡作書生廿八廁科甲勛業未胚胎氣骨先消乏
壬戌二月莫策名謁天子便有山林思豈期骨相否
長寧留別秦太守

君作長寧餞予悲萬里行離歌姑莫唱唱徹若為情
馬嵬道中逢林幕來餞

與君已云別安知復逡巡高原一以望喜極歎沾巾
晚趨宜溝

夜深孤月上山凍石淙清彷彿殘雲裏依稀見驛城
夜抵俞氏宿

星出行客倦風起征馬疲夜投故人宿入門收接羅
賦所見二首

子飢聲已吞兒負呼愈急可憐子母腸三日未曾食
騎馬誰家郎氣態時千轉回首語所從章臺夜歸晚

朝川之

青春佳興多城南景堪羈日日望君來君遊最東曲
有懷粹夫

粹夫古人傑冰玉比襟期四海方戎馬安能遂尔私

和吕子雲槐精舍見憶之作

佳人安可再芳春已如隔明月照宵帷相思兩空劇

賦得古意二首示扶風趙秀才

碧梳鬱金漿翠袖邯鄲倡徵歌邀客醉四座聞清香
綠水照明月冰絲雜洞簫主人若常濟愛客不知宵

許西亭子四首

隔林黃鳥鳴當户南山翠以茲辭壯遊亦可長年醉
王生輞川口祖詠歌湖側以吾水許西孰與耶溪北
煮菁爨新棘饁稼履長畝微風吹襟懷夙心復何負
山家喜秋色日日秋林坐不聞車馬音詎有虞鄉過

子夜歌十首

郎如天上鴻團團向天轉妾如地下石寸心那可卷
 候郎日昏黃郎躍青駃馬章臺明媚孌爭羨郎妖冶
 十三學裁衣十四學琵琶自謂可郎心不知郎意差
 逝水不可攬郎心不可反子夜夢見郎腹中車輪轉
 人老亦須死今日生何為求訣辭此去免令守空閨
 昨日是寒食冶遊遍郊墅不見儂所歡心緒異同侶
 生男愛身手生女重嬌嬈十四做郎婦十五長分巢
 明珠與玳瑁織羅復沅黃本為郎作好今日委閒休
 開窗傍前渚挂鏡選桐枝梧子雖不見桐心常不移

我歌子夜曲曲短意猶長若得徹郎耳儂死心不忘

古別離二首代上王內寄

鵲聲高對啼蛛絲傍簾颺開窓盡蛾眉中心復惆悵
 君應何日來儂心今已灰碎如車輪子一刻千萬迴

贈鳳麓還西鄉二首

贈君白紈扇團團明月光君歸若九月可向匣中藏
 堯花猶未落子向南山去尊酒消離憂莫問宿何處

次韵答別公望二首

舊人別多時驚見新人貌含情不敢言却恐新人誚
 相對日將夕慙勤盡一卮看花過秦苑何似洛陽時

六言絕句

夜與南川對月二首

愛此一輪秋月清輝獨射閒園小酌西堂人醉槐陰
漸近東軒

裊裊微升東海紛紛遠射踈簾詩就呼童送酒歌餘
對客掀髯

觀岩下花柳三首

雲外小洲飛鷺岩陰長泝宜春萬樹桃花夾水滿天
楊柳迷人

水際碧山如畫原頭輕靄霏烟繡草平連漢苑繁花

遠接秦川

力穡又將十載尋春已愜衰年何必雲英勸酒方同

郭泰迴船

渡渭

馬家渡口浮渭烟波一望無涯雲外小舟迴棹泥中
野老停車

東希宋宅西亭子宴集二首

城市山林有此烟霞風月何心旣倩金陵起舞須邀
盧五同吟

酒醉不知日暮月來始信更移清興撩人無寐高情

入夢空思

對山集卷之十七

對山集卷之十七

康對山先生集卷之十八

七言絕句

飲酒樂二首

碧椀金波窈窕歌
綠雲紅日醉顏酡
西風白石雙岩下
北鴈清霜柰夜何
飲酒雖多樂亦多
野花巖鳥意婆娑
朱纓白馬青蓮蓋
不及谿田卧綠莎

彭麓山房漫興六首

數頃山田聊自供
百年身計未踈慵
但教醅酌空齋卧
絕勝乘雲遊岱峯

對山集卷之十八

黑水波濤萬尺懸太行王屋詎能先從今杖履朝朝
坐坐看青山下紫烟

山君莫怪四無隣田父漁翁悉可親指點新谿搜異
草安排濁酒薦金鱗

城市閒人訪隱淪烟霞羽客倒綸巾谿頭靜看蕪葭
影世上誰如自在身

蘋花未老稻花香怪底山童盡日忙暫向薜門收藥
裹好從籬外盪秋場

數椽茅屋百年身春裏何須更覓春從此當為彭麓
主他時咲殺五陵人

即事

美酒何須玉椀盛前溪且喜白雲生相將一醉青莎
上咲殺人間浮薄名

汝誠至三首

西磬新自隴西來野客逢迎滹上迴爛醉莫嫌紅燭
短微歌先遣白雲開

去年送子趨鞏昌今日迎君坐草堂若待黃花方漫
興也須桑落慶重陽

中丞節制故能雄隴右文章近益工難弟難兄分兩
鎮為霖為雨失群公

寄敏吉

炎威赫赫汗如泉秦女彈琴乘曙天願逐南風作雲
雨却令涼思到君前

於許西同公順兄小酌

長柳萬株高插天晴原千尺下臨泉金杯欲遣山公
醉翠袖先調盧女絃

扶風道中十首

郵亭新柳厭春陰驛路黃塵銷客心碧水蒼山予未
晚衰容短鬢爾何侵

小店西頭鳳水渡東南直下接滹河微瀾映日金蟾

細急漲當秋濁浪多

平生不抱越鄉憂老去猶欣汗漫遊今日盡看周

國他時還宅海東洲

鳳泉東是美陽城秦后離宮跡已平細草不知龍螯

去城邊日日喚愁生

破屋瀟條才數家短墻無處不飛花平原南下蒼厓

出哀壑東迴小徑斜

杏林東望望隋陵覆斗龍從隱地形香火莫悲陵邑

吏河山空倚少微星

秦皇不是列仙姿漢帝空懸海上思寶訣此時投驛

少堂山集卷之六
三
吏瑤絃何日下靈廳

許公碑石尚參天科斗消磨不記年父子經綸唐第
一鄉邦述作近誰先

夕陽隱隱抱孤村知是何王駐馬原龍種自隨彤蓋
去人烟常傍廐門繁

晴原斜日下山城岸柳園堯喜漸生愛弟善為靈運
賦老夫何忝少陵行

東侍御宅小樓看山三首

山家終日對烟霞萬頃平林接二華誰把風流誇洛
社已將詞賦隘長沙

花奴玉笛彩雲歌日日凭欄樂事多不見
宅豈如玉枕浥金波

連年喜作華山遊華郡看山愛此樓萬樹堯林千
碧分明疑是海東洲

渭南道中二首

飛絮滿天花復殷平原斜日帶青山要知春色在
處不在濃陽密霧間

兩後看山山更佳層崖西望靜無羶天涯芳草
綠不及鶯聲感客懷

長安郭門留別餞送諸公

古寺携壺送我行空崦冉冉雲生
鳥江漢誰嫌掉臂情

華巖宅亭子宴集四首

芳草名花面面開山光雲氣暗樓
事綠鬢能歸是絕才

君家亭子華山隈無數名花傍檻
天上玉樓誰得

見人間即此是蓬萊

我飲君家醉不辭君才清妙幾人知未須唱玉歌金
縷先看銀盤薦鱸絲

桔槔呶啞水如泉種藥栽花近幾年覽景且休誇鄭

谷看詩今已羨長篇

華巖小樓望月

徙倚危闌感慨類月光如晝寂無塵
披簾便見山川好有此山川要此人

靈寶喜王汝隣見過二首

前年我醉王官谷今日君看豨谷花
設使虞卿還有此不妨今日醉君家

往時亦羨襄陵酒靈寶春醅更可人
今日青尊若辭醉穠香芳草為誰新

心遠亭集二首

柳浪纖纖拂翠巖蒼林隱隱接殺函開簾獨坐成幽
討何必仙人白玉崑

老境相逢志益歡不知亭上有春寒晴時盛日當行
樂無那蒼生想謝安

別汝隣

我醉君家五日醒欲將益海入杯傾座中若遣何戡
唱莫放陽關第四聲

別德敷

榆關兵馬故來強大抵都因節制防此日君行看寶
劍好為西北靖攬槍邊疆

示德克

昨日予從汧上歸滿天花柳拂征衣却思春色無
許好謾相將歷翠微

送徐生

遷客西歸蜀道長洞庭秋去亦徜徉那知一片蛾眉
月密霧輕雲總不妨

二月九日同德克德一杏花亭集六首

杏花亭上杏花飛咲我看花何太遲明日征車過函
谷歸時應見子盈枝

前年花發坐亭前劇管繁絃動遠天今日看花朋輩

盡啣杯吟望思凄然

憶昔此亭初試花與君方駕水西涯醉歌花底催新
釀坐見原頭落晚霞

符郎婉變忽能詩亭上慇懃壽我卮却笑陶公無紙
筆謾將梨栗誣諸兒

老夫筋力漸非前別墅風光自可憐待得函關公事
了年年沉醉杏花天

醉後題詩滿四墻感時乘興亦非狂年年花發年年
醉更乞天公六萬場

去年二月九日與德充德一
栗過此

各賦小詩數首今日杏花開二弟復至悟省舊
作有待得函關公事了年年沉醉杏花天及年
年花發年年醉更乞天公六萬場之句因再賦
六首

歲歲看花花已飛花神若恨賞來遲今年坐賞花纔
發却到春風第幾枝

此日庭柯盡著花老夫逸興正無涯崦西莫羨千株
柳水際先看一帶霞

銀燭輝煌照北堂清尊同汝有何妨行歌正恐花陰
短鉅盞還從飲興長

繁絃劇管坐花前轉覺春園花可憐若把花枝對明月紅英咲殺鏡中天

我醉君歌興灑然不知花影坐中遷須教酩酊同今日那許蕭條似去年

繫自歸來願不違柳邊花底坐忘歸新詩美酒朝朝樂莫管春歸花亂飛

和岐東澣西夜歸之作

泝上行吟月下歸露花涼透薜蘿衣風流一似蘇門畫直欠當年阮少微

觀瀾亭同太微小酌

冉冉溪雲細欲生前泮泮春浪噎還鳴觀瀾亭上微醺坐咲倩瓊瓊理玉箏

宴東侍御園亭醉中走筆二首

燕家小妓石榴裙咲酌餘酥把似君玉面未從花裡出瑤箏先向月中聞
小小亭臺面面花晴林夕日散雲霞有時對月掀簾坐萬里晴暉落障紗

答東侍御

日日看花日日好芳心不與花同老有時騎鹿華岩頭咲指桑田拾瑤草

汧東小酌二首

滯上春光濃更深汧東佳興益難禁
六熱漫倚溪邊發濁酒何妨月下斟

載酒尋盟莫厭頻韶光忽已報殘春
臨溪自咲雙蓬鬢不是年時汧上人

許廷臣亭子觀假山

小小亭臺面面山雨餘常見白雲還
那知斷壁懸崖趣却在紅塵鬧市間

條山麓鋪呂子與蘇守設酒待予呂子出示所

賦桃花詩因謾成五首

誰謂峯陰春事遲亭臺處處有花枝
芳花自惜春風好不道衰翁鬢已絲

弱柳迎風太不禁夭桃夾岸咲春深
朝辭函谷尋君至羨爾春山方獨吟

十年一見復逡巡百歲如斯豈是頻
不向郵亭飲美酒桃花笑殺五陵人

自別承明二十年春風三過武亭川
條山更聽桃花曲何啻華陽修竹篇

絕壁香來花已飛背岩雲暗濕羅衣
知君習靜栖山郡咲我尋春却釣磯

醉別廷搢二首

君去巴渝春正深西堂尊酒且論心無端惱殺關山
月又送征車過漢岑

三十年前舊辱知春風歸去見襟期即看翠袖擎杯
處可有相思到鳳池

李戶部克中畢賑北還寄別

西土艱危勤使車郡公咨訪過郊墟 彤庭若問蒼
生事莫道王克善著書

送虞北山伯俊公甫二首

太嶽山人訪我來西岩石室酒初開身騎黃鶴欲歸

去閩海蓬壺何處哉

若歸南嶽見方平為道匆匆已半生此後倘成金液
事好從雲外聽吹笙

西溪亭子登高二首

主人愛客構新亭坐我呼童泛醪醅一曲鳳蕭雙鶴
下天風吹浪海溟溟

園亭四面列青山水竹中分一徑閑佳節既能留我
醉西風隨意拂衰顏

送李封君

郟城回首望岐周百二山河入壯遊一水莫歎秦晉

豈山集卷之六
隔雙鳧遠泛閨壺秋

漫興八首

草堂獨坐望秋山山色逶迤若可攀窮谷希聞住客
過深居偏喜白雲閒

葡萄拖蔓作雲棚苜蓿堆盤厭海鯉千首新詞堪漫
興百年身世但翻萍

炎蒸已盡涼風來從此將聽過鴈哀節物不常入事
異憑君休羨郭生臺

濁酒今朝始入唇清歌不必更煩人坐中既有金陵
子碧椀還烹沔穴鱗

平生筋力盡於詩老去風流更不疑帶雨常修蔣詡
徑看山何必夏公藜

髻鬣為文弱冠成便於海內竊時名狂來頗欲吞江
海志定何須論濁清

前年與客遊華原名公碑碣向天蹲勲庸意操皆如
此際遇遭逢各有論

最愛高人杜少陵平生行止未踐躒若當尊酒酣歌
處便有千軍不可勝

酬強長史

汝南老人人未知大隱逃名老向斯七十行年猶作

賦三秦才子莫言詩

自京師下至洛陽有感

夕陽芳草白雲洲
雨霽樓城翠欲浮
對酒莫須思故國
鄴中不見使人愁

艷詞

杏撥朱絃舞袖長
楊花默默杏花香
幾時逐得春遊隊
爛向東風醉海棠

春末有懷世觀伯循仲木三君子二首

晚烟漠漠春山暮
深對_如鴛鴦亂啼好
景同看不同賞
街杯東望意淒淒

疎林斜日雨初晴
尚憶秋亭送我行
一曲離歌千里意
空齋獨坐不勝情

戲天澤

曾約抱琴過雨夜
夜闌不見子猷來
思君豈獨高山調
笑我誰同濁酒杯

長安留別親友

郵亭雨霽見斜暉
酌酒同君立翠微
明日天涯回首處
相思兩地各沾衣

華清亭子同任倅宴集二首

雪滿驪山柳尚青
與君瞻眺亦娉婷
君看妃子池前

水不醉還應負此亭

伶兒翻曲倚晴霄
候隸篝燈引從鑊
莫道山城無樂事
野雲明月下歸樵

華州贈東大

病骨那堪冒雪來
感君終日坐徘徊
明朝欲去愁無限
怕見西堂鸚鵡杯

邯鄲贈客

西去鄉關幾十程
客中相見自多情
逢人若問風塵事
唯有清癯似長卿

榴對

兩對參差曲檻前
穠花深葉望中然
五侯庭院茶蘿發
同是看花五月天

扇面

蘆花楓葉滿天秋
短笛輕簑穩跨牛
小艇不搖山月細
淡煙漠漠掩城樓

負者歎

長安城東月如孤
萬戶笙歌徹廣衢
息肩有仰天空歎
息前頭忽見執金吾

栽竹喜吳慎之見過

許西作屋人過少
種竹悠然見爾來
知爾定為棲鳳

客願予安有拂雲才

浪店鋪郵亭子觀望巖谷三首示扶風諸君子
郵亭面面逐山開濁浪湔湔噴地來南折東迴十餘
里盤龍翔鳳兩三臺

雄峭層崖矗矗分蒼波碧對亦氤氳晴川若不生微
雨那討平原萬頃雲

逢山遇水亦無窮愛爾尋常小即工若是郎家愛烟
雨更須卜采最當中

望隋陵

諸弟驩迎玳寺邊南山秋色正蒼然隋陵望裏巉巖

出不似開皇觀下年

讀中山狼轉

平生愛物未籌量那記當時救此狼笑我救狼狼噬
我物情人意各無妨

答陳生

客居應有桑乾賦記室新收南嶽詩若把洪都望豐
鎬風烟終日鬱相思

呂子北泉精舍集五首

自擬重陽醉此樓不堪詩酒作淹留狂夫老去情逾
放自折黃花插滿頭

月白花黃酒又清長河恨不入杯傾人間富貴同飄
瓦何物空教誤此生

自許精誠叶鬼神窮居日日有芳鄰皇天欲錫烟霞
侶聖主因歸社稷臣

六十五去七旬來歲月無多亦可哀苦向紅塵恼
菲何如佳節倒金壘

我醉欲眠君莫留明朝還有郭西遊山翁醉後猶能
賦不羨當年鸚鵡洲

贈涇陽張明府

君今西去與儵然看破莊生第幾篇世事總為兒女

戲浮名休信野狐禪

許西遲舜臣戲成二絕

許西花發遲君看聞到春眠起尚難紅拂若憐花坐
褪倚欄無語抱鳴檀

夜來帶酒強扶頭為怕春歸乘曙遊何事分司杜夫
子不憐花意欲含秋

對山集卷之十八

對山先生全集卷之十九

邢臺張氏族譜六篇

叙例第一

康海曰予昔聞先夫人言予張氏繇諱士舉以上莫能知而元禮之後居河東或傳其孫子一二人皆莫知數實小子識哉毋以忘予先人之族矣於是海懼而述張氏譜焉

予作張氏譜會從舅綱來關中乃益得詳知張氏之系茂盛遠矣乃泣曰是予得成先夫人之志也夫是予得成先夫人之志也夫於是叙作譜之意為叙例

第一陳世次移易之本為世繇第二系世次為世系
第三述生卒取葬及仕與不仕之事為世傳第四據
拾故行發揚幽光為大傳第五述配匹之源及文氏
之世為外傳第六凡六篇焉而張氏之世有可考者
矣

世繇第二

張氏出尉氏縣世居尉氏城北門道東族數十百人
元季麥氏起兵家人悉散居避兵而諱士舉者挈妻
子來河中蒲州乃就占藉蒲州鳴教里居半站巷中
故為蒲州人永樂初有詔徙山西人填寶坻內郡縣

而諱敬者乃來邢臺今子孫又世為邢臺麻村社人
云而留蒲州者曰張元禮元禮者敬弟也始遷時而
禮幼也故留元禮在蒲奉士舉而敬從遷焉然其遷
名實元禮云

先夫人言河東之族富矣邢臺人乃數數困厄無有
寧已乃今甚畏邢臺人至欲別其先人皆甚悖謬也

世系第三

上舉子二敬子五賢子四忠子四全

林

三保

進

信後於浩

三亡子

能子一鑾

浩繼子信子四鼐

鼎

謹

輅

泰子一
旺子四鳳

昊

玘

強

興子一騰

綱子一拱辰

寬子二清亡子

潔亡子

旻子一青

元禮子一循子一舉

世傳第四

士舉字選之配某氏生二男子葬蒲州餘闕

敬士舉子取楊氏生五男子二女子葬邢臺碾兒村
餘闕

元禮士舉第二子取某氏生一男子葬蒲州餘闕

賢字士希敬子舉人才為光祿寺大官署監事改南
京鴻臚寺序班又改安慶巡檢司巡檢年七十二卒
配郭氏繼陳氏生四男子一女子葬彰德府安陽縣
西水鄴生卒闕

浩字守道敬第二子取劉氏無子以士希公第二子
信為子葬邢臺碾兒村餘闕

泰敬第三子號里長公取朱氏生三男子一女子葬

邢臺碾兒村餘闕

寬敬第四子取王氏生二男子葬邢臺碾兒村餘闕

旻敬第五子取何氏歸蒲州生一男子餘闕

循元禮子取某氏生一男子餘闕

忠巡檢公子取王氏生四男子葬邢臺碾兒村餘闕

信字本誠巡檢公第二子取郭氏生四男子葬邢臺
碾兒村後于浩餘闕

三巡檢公第三子既取而死

能巡檢公第四子取陳氏繼王氏生一男子二女子
葬安陽

旺里長公子取李氏生宣德辛亥十一月三十卒正
德己巳二月初四享年七十又八生四男子二女子
葬邢臺碾兒村

興里長公第二子取李氏生一男子二女子葬邢臺
碾兒村餘闕

綱字振紀里長公第三子取高氏生一男子

清寬子取李氏生一女子

潔寬第二子取趙氏無子

青旻子取李氏

舉循子取某氏居蒲州

康海曰予作張氏譜由吾母之舅弟以上皆世傳焉
吾舅之子以下皆系而不傳

六傳第五

康海曰張氏吾母夫人之所自也吾思吾母之意乃
作張氏族譜以畧叙述張氏先世之行事使張氏之
後世可以觀焉

士舉公任俠善賈蒲中數年即號為千金然益儉約
不用其二子敬元禮又皆幹蠱有給辨及被

詔遷邢臺家益富實重遷故敬代元禮來邢臺謂有
間可返去河中而卒不能故遂居邢臺云敬勤而好

蓄又仗義有口人有急難即善與解紛邢臺人人皆喜為張公能平也乃益自由直時事至專斷於鄉府吏莫之何因反厚結之焉

元禮則察察好黠規識先物故凡販物將貴有利則佯多遜避不與及人皆弛也即宵夜馳販以此善積多有甲於蒲中然蒲中人往往少之

士希公脩貌美容個儻愛客而好讀書習事年二十販山東山東客皆佔佔善蕩見士希公既盡喪齋販見其客又散去不顧猶豫欲歸恐敬怒捶殺不歸則客已如此於是晝夜馳至蒲州依元禮然好氣耻下又

畏元禮無所重已不肯見元禮而自刻苦為販販才數月即至數十金已而敬至求士希公道遇得之乃欲捶殺士希公士希公即善辯伏敬乃不捶殺已而挈歸邢臺云士希公既至邢臺縣吏即求士希公舉人材士希公力辭不舉有崔主簿者力請舉之於是士希公始肯被舉來於是以士希公冠帶從御史督賦御史乃分與士希公督而士希公則先完督矣以此擢士希公為大官署正署正一年降為南京鴻臚寺序班又數年出為安慶巡檢巡檢公既不得志而安慶又多盜乃嘆曰嗟乎予不能大官乃亦不能署正序班邪

然吾今有以試矣巡檢一年則安慶肅然無盜也九年歸邢臺年甚高猶躍馬試劍依然壯捷及其病時而季子能適居賈安陽水鄴乃冒病來水鄴見能顧病益篤遂卒水鄴客中以此葬水鄴而能家安陽云浩有力絕人而重使氣嘗為逆旅主人舍客盜夜劫客欲殺客捕吏不敢斬也乃手格殺數盜救客泰為里長能以武斷於鄉人稱里長公善為稼穡蔬藝之事 寬曼不詳其事實

康海曰吾為張氏譜傳能言泰以上之事者皆聞之先夫人其不能聞者故不能詳焉其子孫苟知其先人繼吾傳之可也

外傳第六

康海曰予既傳述張氏之世皆止先夫人之舅弟至於外傳乃亦自其舅弟之妻及先夫人姊妹止焉吾舅之子之婦及女子茲未暇附以俟張氏之子弟

某氏士舉公妻葬蒲州 餘闕

楊氏敬妻葬邢臺 餘闕

郭氏士希公妻邢臺人有女行生二男子葬邢臺 餘闕

陳氏南京親軍指揮某女繼于士希公生二男子一

女子葬南京郭門外餘闕

劉氏浩妻葬邢臺餘闕

朱氏泰妻葬邢臺餘闕

王氏寬妻葬邢臺餘闕

何氏旻妻蒲州人餘闕

王氏南京人忠妻葬邢臺餘闕

郭氏信妻葬邢臺餘闕

陳氏安陽人能妻生一男子一女子葬安陽餘闕

王氏安陽人能繼室生一女子

李氏旺妻

李氏興妻

高氏綱妻

李氏清妻餘闕

趙氏潔妻餘闕

李氏青妻

女一敬女也嫁為邢人王啓妻

諱士希公女嫁平陽府知事贈翰林院修撰武功

康長公諱鏞妻封太安人

康海曰予作張氏譜蓋已成矣然不知張氏之後儻能繼吾述焉今視其子孫翩翩乎有以文矣

康氏族譜四篇

例義第一

康海曰先人之遺聲盛德其子孫不可無以紀也况其先人所從來予於是懼述康氏族譜焉而始於文政公以至於予小子海兄弟之族夫譜者所以合親廣孝理元始之道也彼迺有覬世亂胄者其後宜何以觀焉故予由文政公以上不敢述所出康海曰康氏譜蓋三作之矣始於予太常公通政公繼作之予小子海又繼作之康海曰先人有言予家人蓋世世令名焉夫由吾觀

於上世曷非善厚質直矣故予今得詳序其事實

世系第二

諱政子諱廷瑞子六世孝子二璩子三汝舟亡傳

汝礪亡傳

世友子二璟亡傳

諱世睦子珪子一汝諧子一舉繼子汝霖

諱珙子三汝誠子二書亡傳

詩亡傳

諱汝楫子諱爵子二諱健子諱鏞子二阜亡傳

海

銓亡傳

錫子二淮

潔

鑿子三浹

浩

洋

錦子五澤

潤

瀟

時雍亡傳

年亡傳

裡子佐子三銳

鈍

鉞

汝明亡傳

世姁子與子汝霖繼子舉子西鼎子泰子三璽

貫

寧

清子一演

深子一壽

齡

慎子一瑞

學

羅子四愷子二林

志祥

準子二肅

懷

金子四整

福能孝

名亡傳

和子二通子一臣

達亡傳

美亡傳

現亡傳

世任子三玘子二汝梅亡傳

汝美子三郁子二晟子一本子一教

雄子四厚

滿

才

萬

盛子一恕

忠子二紀子二振

祿

信子一池

秀子傳

朱子三九成子二英子二懷銀

懷金

玄子傳

致子三修

斗

璿子傳

世恤子一瑤子三汝賢子傳

汝為子傳

小傳第二

諱政字文政始由固始來徙武

居武功長寧是為

武功康氏配李氏生一男子華

寧西門平原生卒年並闕

諱廷瑞字子安文政公子為元化路學官號西原先生配高氏繼樊氏生六男子長寧西門平原生年並關

世孝字仁叔子安公子取某氏生年並關一男子葬長寧西

門平原生年並關

世友字成叔子安公第二子為元縣尉取氏生一

男子葬長寧西門平原生年並關

諱世睦字敬叔子安公第三子配田氏生二男子葬

長寧西門平原生年並關

世淵字和叔子安公第四子取張氏生二男子葬長

寧西門平原生年並關

世任字允叔子安公第五子取張氏生二男子葬長

寧西門平原生年並關

世恤字賑叔子安公第六子取郭氏生一男子葬長

寧西門平原生年並關

璨仁叔子取劉氏生二男子葬長寧西門平原生年並關

璟成叔子殤

珪字君禮敬叔公子始由長寧徙縣城取望氏生二

男子葬縣北卜家原

諱珙字君讓敬叔公第二子配解氏生三男子葬卜

家原生卒年並闕

璵字君玉和叔子取周氏繼鄒氏生一男子葬卜家

原生卒年並闕

現叔和第二子殤

珍字君用允叔子取楊氏生二男子葬卜家原生卒年並闕

璿允叔第二子餘並闕

瑤賑叔子取姚氏生二男子葬卜家原生卒年並闕

汝舟字民濟璨子取李氏無子葬卜家原生卒年並闕

汝礪字民則璨第二子取張氏無子葬卜家原生卒年並闕

汝諧字民雍君禮子取劉氏又曰張氏生一男子繼

汝霖葬卜家原生卒年並闕

汝誠字民質君讓公子取于氏生二男子葬卜家原

生卒年並闕

諱汝楫字濟川號東里公君讓公第二子舉明經為

武功學訓導後為

燕王長史尋出知安岳縣

太宗即位詔為北京行部左侍郎生至正己丑十二

月二十二日卒永樂辛卯十二月二十一日年六十

三

仁宗元年贈資善大夫工部尚書配解氏生三男子

一女子初 諭葬北京麗正門外後又 遣官歸葬
卜家原

汝明君讓公第三子餘並

汝霖字民望號梅谿先生君王子取董氏繼李氏無
子以汝諧子舉為後葬卜家原生卒年並闕

汝梅字調元君用子餘並

汝羨君用第三子取張氏生三男子葬卜家原生卒年並闕

汝賢瑤子殤

舉民雍子後于民望為德安府倉大使取任氏繼王
氏生四男子三女子葬卜家原生卒年並闕

書民質子殤

詩民質第二子殤

諱爵字以德尚書公子為上林苑監左監正累官至
中議大夫贊治尹南京太常寺少卿生洪武癸亥八
月二十六日寅時卒正統癸亥三月十六日申時年
六十一配李氏生二男子二女子葬江寧新亭

年字以齡尚書公第二子年二十一未取卒餘闕

裡字以敬尚書公第三子為上林苑監副累官至中
憲大夫通政使司左通政年六十三卒取紀氏生一

男子葬卜家原生卒闕

郁汝羨子取劉氏生二男子四女子葬卜家原生卒年並闕

秀汝羨第二子取馬氏無子葬卜家原生卒年並闕

采汝羨第三子取呂氏生三男子一女子葬卜家原生卒年並闕

生卒年並闕

諱健字自強太常公子為通政使司經歷司知事生

永樂乙酉九月十一日丑時卒成化庚子五月初九

日巳時年七十七配袁氏生五男子葬縣南紙坊原

時雍太常公第二子年七歲殤

佐字自輔中憲公子為縣醫學訓科年六十九卒取

劉氏葬卜家原妾徐氏生三男子生卒年並闕

鼎字大器舉子取鄧氏生四男子一女子葬卜家原

生卒年並闕

鼎字大容舉第二子取陳氏生四男子一女子葬卜

家原生卒年並闕

和字大用舉第三子取雷氏生二男子二女子葬卜

家原生卒年並闕

美舉第四子取許氏生二女子葬卜家原生卒年並闕

晟郁子取侯氏生三男子二女子葬卜家原生卒年並闕

忠郁第二子取王氏生二男子二女子葬卜家原生卒年並闕

生卒年並闕

九成柒子取董氏生二男子葬卜家原並卒年

致柒第二子取楊氏生二男子三女子葬卜家原並卒年

年並

諱鑄字振遠號曰已庵通政公子為平陽府經歷司

知事

贈儒林郎翰林院脩撰生宣德庚戌四月

初一日子時卒弘治壬子正月二十二日丑時年六

十三配張氏生二男子一女子葬紙坊原

錫字宗衡通政公第二子未取卒並卒年

錫字振祿通政公第三子為藁城縣丞生正統己未

六月二十八日亥時卒正德丁卯四月二十八日未

時年六十九取甄氏生一男子葬紙坊原妾曰趙氏

生一男子

鑾字振聲通政公第四子出金助滬為散官生正統

丙寅九月二十四日亥時卒正德丁卯九月初九日

戌時年六十二取高氏生三男子二女子葬紙坊原

繼高氏生一男子曰河

錦字華伯通政公第五子為國子監生景泰庚午

十月十三日亥時取高氏生五男子一女子

銳自輔子

鈍自輔第二子取吳氏

欽自輔第三子

泰大器子取張氏生三男子一女子葬卜家原生卒年並闕

清大器第二子取劉氏生一男子二女子葬北郊生卒年並闕

深大器第三子取劉氏生二男子四女子葬北郊生卒年並闕

恂大器第四子取王氏生二男子二女子葬北郊生卒年並闕

愷大容子取張氏生二男子一女子葬卜家原生卒年並闕

準大容第二子取楊氏生二男子二女子葬西原生卒年並闕

全大容第三子取黃氏生四男子二女子葬西原生卒年並闕

名大容第四子取侯氏無子葬西原生卒年並闕

通大用子取郭氏繼田氏生一男子二女子葬北郊生卒年並闕

達大用第二子取申氏生一女子葬北郊生卒年並闕

本晟子取党氏生一男子二女子葬卜家原生卒年並闕

雄晟第二子取趙氏生四男子三女子葬卜家原生卒年並闕

盛晟第三子取張氏生一男子一女子葬卜家原生卒年並闕

年並

闕

年並

闕

年並

闕

年並

年並
闕

紀忠子取申氏生二男子三女子

信忠第二子取張氏生一男子二女子

英九成子取張氏生二女子妾張氏生二男子葬卜

家原生卒年並闕

玄九成第二子取劉氏生三女子葬卜家原生卒年並闕

脩玖子今流寓石泉

斗玖第二子從修寓石泉

阜字德瞻平陽公子生天順戊寅十月三十一日申

時卒成化乙未八月十九日巳時年十八未取葬西

原今改南郭之麓

海字德涵平陽公第二子初名澍取尚氏

淮字德疏藁城子取馮氏繼馮氏

潔藁城第二子

洪字德淵義官子取張氏繼杜氏

浩字德克義官第二子取魏氏

洋字德徵義官第三子取甄氏

澤字德宣監生子為縣醫學訓科取張氏

潤字德温監生第二子取李氏繼曹氏

瀚字德綏監生第三子取趙氏

淳字德一監生第四子取解氏

濂字德周監生第五子

璽字廷信泰子取李氏繼徐氏王氏生四男子三女

子葬卜家原生卒年並闕

貫泰第二子取李氏生一男子一女子葬卜家原生卒年並闕

年並闕

寧泰第三子取隋氏生四男子

演字文敷清子國子監生生正統丙辰八月初五日

辰時卒成化己亥四月十九日寅時年四十六取丁

氏繼丁氏生三男子一女子葬北郊

壽深子取丁氏生一男子三女子葬西原生卒年並闕

齡深第二子取馬氏

瑞恂子取付氏生一女子

學恂第二子取黎氏繼某氏生一男子葬南郭生卒年並闕

林愷子取尚氏生二男子一女子葬卜家原生卒年並闕

志祥愷第二子取李氏生一男子一女子

肅準子取宋氏生二男子一女子葬北郊生卒年並闕

懷準第二子取宋氏生一男子三女子葬北郊生卒年並闕

整金子取李氏生一男子二女子

福全第二子流寓竹溪

能全第三子為省祭官取張氏生二男子二女子葬

北郊並生卒年

孝全第四子取趙氏

臣通子取魏氏繼劉氏某氏

教本子取張氏

厚雄子取喬氏

滿雄第二子取田氏繼柴氏

才雄第三子取胥氏

萬雄第四子取張氏

恕盛子取薛氏繼荀氏

振紀子取楊氏

祿紀第二子取楊氏

池信子

懷銀英子

懷金英第二子

大傳第四

康海曰予先人之載衆盛矣故予今能攷焉於是述叙文政公以降至予兄德瞻之行事為譜大傳其餘先人所未載及予所未聞皆闕而不錄

傳曰文政公生宋之末時遭天下大亂乃與固始人

西來關中而文政公居武功長寧子孫至於今世家
武云

文政公富財善貨殖始由固始來但千金即盡散千
金募壯男子墾膏腴土作善飲食食墾者諸墾者說
得善飲食皆爭詣求墾明年漸獲至五千石即散伍
千石食亡食者來年諸亡食者人人倍息償文政公
文政公乃不肯受倍息其半息諸亡食者益說得
文政公於是皆稱文政公長者可庇蔭已故文政公
獨富冠於關中諸關中言富者毋能視文政公也
子安公讀書長寧西門外阜上有弟子百人宗師子

安公於是稱子安公為西原先生

張光孝曰先外祖對山翁作康氏族譜稿止此餘
闕之矣然竟未之補作惜哉予取而傳其所存以
明作者之志或亦蒐竒者之所樂觀也

對山集卷之十九

康對山先生集卷之十九

論五篇

史論

靈帝崩太子即位宦官蹇碩等欲誅大將軍進而立
陳留王協袁紹因勸進悉誅宦官進白太后不聽紹
又謀召四方猛將使並引兵向京師以脅太后進然
之曹操聞而笑曰此一獄吏事也何至紛紛召外兵
乎吾見其敗也康先生曰操之言是也此漢之所以
亡也獨史臣不能識其意而妄為之詞爾曰若盡誅
之事必宣露此何言也凡欲除天下之大害必先有

以度天下之大義苟義有所屈而事或安焉君子寧
拙事而信義况事與義俱不得者春秋之時諸侯皆
城成周而宋仲幾獨不受功晉人執之於京師此以
王事討有罪也而春秋以為刑囚執人之事大司寇
之職晉人不告諸司寇而擅執人於天子之側則履
霜之漸篡之萌也故特書而深罪之若彼嚴也何進
不勝宦官之亂乃大召外諸將之兵使之挾持京師
以誅其衆當是時漢之危猶一綫也乃又以諸將無
嚴之兵絕而墜之耶比於春秋之法蓋元兇首罪必
不赦而况其事又未為安也宦官之毒漢自

顯以來若是其遠也蹇碩趙忠張讓之徒欲廢帝
而立協逐太后而誅進若是其固也進於是時既不
能脩明漢家之法亟收其權杜篡賊之路又不能嚴
昭名義屬之司隸以誅其尤顧乃區區以詢袁紹之
謀及再白太后不從而計絕矣乃猶優游以待外諸
將之兵乎李園之謀春申君也先伏死士以待棘門
之內故不勞而春申死焉此碩讓之徒所以勝進也
董卓入關之後燔熾宮室墓廢天子蕩析民庶其孽
禍倍萬於宦官也使進而在又將誰召以除之耶夫
外諸將之兵猶虎豹犀象不可入人之室也有丈夫

者憂其家之為禍也收虎豹之屬入于室而馱之至則盡啖其家人此於崇何不除顧奚必虎豹犀象者而使之操兵以入室乎易曰開國承家小人勿用言必悖義而傷教也天下之事苟使悖義而傷教者為之則未有不誅其君夷其社稷者矣人主之幼也為之師傅教導以增發其聰明不幸而有孽人窺覘於側亦必有以從容捍蔽潛消其志意則在我者可不勞而定而在彼者不刑而革也田氏之於齊其欲奪而有之豈一朝一夕也晏子方且安舒和悅裁之以禮使勿自甚其所為當是時以晏子之顯名顧不足以致而滅也其理當如是也至高國之屬則悻悻然怒而作矣姜氏之廟由是不祀焉彼高國者以啓之也予讀漢書至竇武陳蕃之死曰嗟乎漢之亡也其是以基之乎乃其事未遠也而進遽效之古諺有曰莫視其奧先視其突以蕃武之賢猶爾也彼進者何足以知突而視之乎

述秦論

齊有仕於秦者見秦之論下以為猶齊也訖訖焉弗陳焉洋洋焉忘焉或曰夫今君王所以屬吏予黔首吏受令不可滯今足下滯令何也曰吾所以棄邦國

至秦以秦強大可因自安也今君王之今日乃數十
下吏蔑能汚紆旰也願告以君王歸之或以告秦
王曰四方之客咸以君王令繁不能承也且欲返去
故邑以避君王之誅昔先君以士之益秦國也故引
天下之賢人同秦國之富興王伯之業今客皆庸鈍
無事實又以非君王之法且後何以令國中不若因
逐之秦王曰唯唯甘茂曰不可夫秦伯王之所聚天
下之表也士咸以君王賢聖可以寬人之憂皆歸之
若水下趨壑故海內之國獨秦鉅然盛矣今君王非
有重大事狗馬音聲乃恒主所敗覆者日日下以繁
吏吏故有以矚君王之幽也今不反飭於內而逐客
於外是以約天下欺秦也宜重謝吏以明君王之服
秦王曰唯唯明日秦王乃出狗馬音聲之事一心以
治秦國秦國大治君子曰夫君王之心不可無正人
論道也秦有甘茂反以揚矣然微齊客言茂將無以
藉矣進言於君者寧可以無所藉哉

友論

夫所謂友者與而內我以道者也古之人雖自聖神
必有友友也者友其德而資乎我者也孔子曰毋友
不如己者又曰以文會友以友輔仁今之人非無友

也友其所友而不擇也友其所友而不擇則終日與俱非淫褻狎媚有弗入也非財利物貨有弗親也非憂患死喪有弗止也如是則蓋愈無友者也道不知加焉曰吾有友也友之道蓋如是乎我徒以順而莫我逆者曰此吾之善友也我將無惑焉凡所以陷吾使吾日就於牛馬禽獸而莫之知者皆彼所以莫我逆也其曰惟友友焉以道而貴我我惟日景景焉亡獲於心曰豈所以識我朝夕所與者皆自誇侈者也彼烏能有我也使吾日就於聖賢君子之域而莫之知也何邪其邪者安吾情而易入者也其正者皆拂吾情也人孰知夫逆順之際可以利害於我而為之區也故曰憧憧往來朋從爾思貴自審而已矣塞乎其正則從乎其正審乎其邪則絕而勿從凡正言終日而內我以道者皆正也凡徒然與好終日而不內我以道者皆邪也吾志於道者皆吾從而已矣吾弗志於道則凡弗志於道者皆吾從而已矣由是則君子小人可以區而所以順逆於我者可知也由是則吾終日唯唯焉惟所語而由所弗改則所以為我者可知也故寂寂之語附耳之論皆淫褻狎媚可勿近也夫德者難成而惡者易放也使與十人居之

堂山集卷之二十
五
有五人焉正襟危坐非先王之道有弗言也非先王之
行有弗行也其五人擊筑呼嘯非鄭衛之音有弗
為也非桑中洧上之事有弗說也則孰從乎我非甚
明者則前五人者有弗屑也使五人咸亡焉日與後
五人者居之未有能悟者矣故吾為甚懼焉榆次金
可卿因與余論友余以是言之且將以自求也

詰客論

客曰墨子之悲乎絲之染也偽而已矣凡異端者皆
務危論駭人如墨子之說則墨子將自不可以行墨
子之道也且墨子之衣豈盡素耶其事豈盡其本耶

從墨子之道則可以弃冠裂服破其宮室裸而逐
而居者也是非墨子之行矣是則偽而已矣康先生
曰墨子之言信偽而已矣然固有其指其指曰夫天
下之色不齊染之於其青則亦青而已矣染之於其
白則亦白而已矣染之於其玄其黃其赤則亦玄黃
與赤而已矣是以傷乎其習之至是墨子之心也今
有惡人者其行雖無齒也其常行而言必屢合聖人
之指者何也其所以審乎其故行熟也從墨子之行
并疑其言是非所以廣迷聽周察博務者也今夫瞽
者聵者人之所共弃也至其道詩鼓瑟也則人人爭

先聽之是豈重其瞽與聵者也重其所道與所鼓耳
今之學者稱古人之法曰儒墨墨之道雖不可取也
然而與儒同稱矣猶之飲泉焉雖不及源而已免渴
矣且子以墨子為賢人惡人矣乎夫如為惡人也則
其言或不可弃以為賢人則其言固不賤於聵者瞽
者之所道矣瞽者聵者之所道世且以為貴而聽之
則吾所貴於墨子之言寧不已勝於貴聵者瞽者之
所道哉

釋客論

客有不樂其官者康子曰夫子何不樂官吾以遼僻

不近人事非所以仰望於官者故弗樂也康子曰異
哉子之樂也使子以千室之邑治之乃所以謂能仰
望於官而樂也是子之樂樂諸其食而已也夫官者
食而事之者也君子之於官也惴惴如有持而弗勝
矣今子不揣其事而擇其所能食亡可以自官矣古
者于官之至也汲汲焉辭焉委委焉弗肯就焉曰恐
鄙人不可或以僨君王之命也子以為仰望而刻計
之惟其所不豐而憂也是所以事官耶今夫事固有
不同者其抱關擊柝者雖以急其食也然不望其大
且貴以多其食者以抱關擊柝之事易盡也今子所

求於官者曰吾不能食也吾庶幾由是以免吾耕
耨之苦也及既官焉則曰遼僻不近人事非所以仰
望官也是何止於千室之邑治而有之而已者也是
盡天下之物有而後憊者也故曰樂諸其食而已也
客憊然曰先生之教我也我故謂不能復得仕也將
由是死於溝壑之中即以食而言也寧不至大豐然
已賢於死諸溝壑之中矣樂然於官盡其心為之遂
以賢蔽名其官

風俗論

夫天下之勢其所可見者常出庸人之所喜也庸人

之所喜也故天下莫有強焉宋人貴鷄豚而四境盡
埽筮戎人尚酪乳而部落盡首霜觀諸庸人之所喜
而天下之勢可見矣故國之治亂視風俗之淳漓風
俗之淳漓視斯民之好尚夫邨以后稷開國其風俗
淳然無偽也乃至於後尚闖使氣不肯順理豪桀者
至於持把治吏鄉人皆相推畏高之又習侈善享無
豐歉之節日日擊鼓聚會靡有馱飲好蕩之人得分
銀尺布則置酒弗計蔬饌召倡優女子彈弦跕躑不
辟長老時節遊衍女子率冶容妖服佔佔自見或又
好悽快為賢多言習禮送死奢靡擬諸王侯壻貧婦

翁至於傾產甚者禮佛飯僧謂有益於死者而於今
不易也昏禮爭財至相構訟貧者入贅無異厮僕或
又以女易女謂之換親而騰說是非多至離異父或
愛子私為營產身死未寒兄弟漁肉不蕩貲廢業不
已也嗚乎今之關中猶古之關中也而今之民俗非
古之民俗也然則從而新之豈不由於上作哉

雜著十二篇

說山

康子曰夫天下之至高者莫有如山也使無有草木
鳥獸以聚焉則丘垤之高耳故凡積土而起者皆可

以為山山必有草木鳥獸而後可以為高何也辟之
人焉必宮室而居衣裳而服禮義而用然後可以為
人也被裸而行手足而立者自夷狄之外豈謂彼非
人哉謂其不宮室而居衣裳而服禮義而用也

文說

古之文也克之而後然故其師也法而章焉今之文
也成之而後思故其敝也渙而晦焉克之有道窮理
博文而已理不窮則無以得其旨趣之所在文不博
則無以盡其法度之所宜故窮理博文而約之於禮
然後可以言其文也

說事

事有所始然亦有杳漠無以見者弗詳而思也夫天下之物豈有無始而朕者其至於杳漠無以見何也所以交乎物者私意相逐而亡所分勢態相安而亡所擬也夫私意相逐而亡所分彼以是要我我曰彼如此以誠也日日以其所直者道彼义而我叛也而乃且曰我未嘗怒不忠也安知其相安於勢態而亡所疑耶故曰事有所始其杳漠無見者弗詳而思也

操辭

濟世之士其所操者與人異也何也彼之志其人之利祿弗能淫也刑罰弗能威也夫利祿不能淫也是故一介不以取於人刑罰不能威也是故歆然樂而忘天下故曰其所操者與人異也一介不以取於人則事之所至必不泥於私而所行益公歆然樂而忘天下則行之所遇必不顧其養而所守益厲是故其發之也舉天下莫有能易焉舉天下莫有能易則行之於天下而天下受之致之乎君而其君安之發之乎其事而其事治之故天下之事乃可得而濟也故曰濟世之士所操與人異也夫操者凡以成身履道之大鍵也志濟世者可舍操他為之耶故曰操則存

舍則忘君子亦忘其操而已矣

述晏

高彤惡晏子言於崔杼以殺之晏子往見杼因與言之杼再拜曰今乃知夫子之賢聖也齊人有覬於杼者曰大夫甚尊豈文子也莊公欲立司馬客有為秦視得司馬者皆趨矣晏子笑曰子以予賢於崔子乎曰然燕雀之羽猶鵬鷃之羽乎曰然曰然則子何事於嬰也夫崔子公之所尚畏齊之所獨制也嬰惟欲以首領奉先人之業故以見杼幸以免其疑心是借近以將遠猶鵲之翼苟得伸將長去不返夫燕

雀利人之居資人之食日與人狎而不知其敗趨炎炎之勢而不知其焚故雖同羽毛齊飛躍其志則弗若之矣且丈夫之儀昂首而引氣也後犬之操卷曲而俛媚也向為身死而不能為父母之養乃詘身見崔子也乃又利他人之事而詘身是後犬之操者也客出晏子謂門人曰夫義者君子所以嚴已禁物也一或舍焉則人咸趨矣士可以舍義弗立而使為人趨哉

序鄭蒧事

鄭蒧惡於宰夫郁伯郁伯毀於王曰吾必治之蒧之

支道聞而告葭曰大夫其亡乎郁伯以告王曰葭子私論王不誅王不能令於楚國也王信郁伯之語以移君矣請善記之鄭葭曰吾非怒於郁伯也其豎人華斯灌諸者也吾聞郁伯善於司馬錐父請同錐父言二子也其友曰是非大夫取番於宗廟者也今二子之謹於郁伯猶徒也今不能濟必大悔矣吾聞之焉鄆子斯者王之所最幸而郁伯錐父之仇也今莫若同錐父言之曰斯有惡於君仲與郁伯吾因論君仲之賢而斯惡之我憶其必愬臣於王也願兄郁伯告之則錐父必大喜矣錐父喜必先以告郁伯郁伯當曰大夫來親已也必以二子告大夫其免已矣葭由客之言告錐父錐父果大喜而內之郁伯郁伯果以二子之語告葭康先生曰予見故語論載葭與客之事喟然嘆曰何以紛紛爾也及諸吳之事觀之乃知有不得已而為之士遭其亂謬移貽之禍良難矣哉故予惡其序之不倫乃猶為正說焉

贊六篇

南嶠子陰德贊

予往過鄆會漢陂先生言及南嶠子之賢如此其

陰德表表然非人所能及也南嶠子儒職也祿薄地寒王邦相鄰之齊民與南嶠子風馬牛不相及也携幼子客寓潛江潛江之人何無一人憫惜之者顧六歲兒匍匐見南嶠子南嶠子不忍之心則勃然而不可遏求醫藥致館穀不幸而死既為之棺殮又擇地寄葬表之以石收養其子教之讀書於乎仁孔載籍所見若南嶠子實未多有比得南溟子樊少南所撰南嶠子陰德傳心寔慕焉為之贊曰

醫繫惟天地大德曰生仁為人心心孰不靈厥養既薄

忿欲斯乘既窒既枯至德以傾達不舉職殘物釀名窮罔思義遠天取盈比之南嶠殆若蛆蠅聖人致曲曲能有誠從約致博奚性弗克牧此大邦下民是承顛連困鬱遐邇同情心誠求之物用乃亨惟君不二惟行斯貞

君相桓桓推賢任能夾輔弘化易如建瓴勝殘拯溺世萬其稱嘉子之仁因心匪迎言不盡意但發厥聲南嶠子姓名良幹字直夫桂林人也舉廣西鄉試試禮部下第拜潛江教諭行取陞知信陽州信陽得此長者民之福也

魯齋先生像贊

聖賢之學帝王之佐生頭匪辰業則已大叙此彞倫
光我華夏人或以仕元為之辭吾以為功不在禹下
揚宗文像贊四首

赫赫明庭百辟斯彈嗟嗟君子服此豸冠過以克正
邪以是端有嚴有翼 天子孔安匪冠斯安惟我罔
愆淑人君子胡不萬年

右朝服像

凜乎其躬肅乎其容繩糾是司夙夜在公在公伊何
王敬作所摠誠畢忠替不獻可爾心靡遺適志用妥

百僚師師孰敢云惰

右公服像

溫而彌莊欽而愈章端身示軌左陰右陽清以起懦
正以規曲靖恭爾位邦家之穀明不愧隱行必副志
爾色孔康子孫永類

右常服像

肇遊振景遠蹈恢清虛襟克濟孤抱彌貞藻文星燦
英德風偃即之未嘻張之或卷瞻面知心覩形諒躅
岐陽之鳳崑岡之土

右半身像

對山集卷之二十

